

ISTORIA

DOVE SI NARRA LI LAMENTI CHE FA

CUOSEMO PEZZENTE

Nnammorato correvalo.



NAPOLI

# RACCONTO

CHE FA

CUOSEMO PEZZENTE

---

A buje parlo ; a buje dico  
Amicizia d' aguanno ,  
Galan!uommene d' oje ,  
Chi se la fa sferrà  
Perde lo Voje ,  
Sentite sti lamiente ,  
Che fa Cuosemo Pezzente  
Che per essere superchio correntone ,  
Corre be becenzone :  
Quant' Amice , e Pariente  
A lo Munno trovaje ,  
Quanno , Tata li quibus me lassaje ,  
Ogn' uno all' uosemo  
Me conosceva ,  
E me diceva  
Schiavo si Cuosemo ,  
Che mme dava ciente titole ,

E chi me faceva ceremonie a tommola  
 Aveve cchiù compremiente ,  
 Che in Consiglio non ho lo Presidente  
 Io de juorno servuto ,  
 De notte corteggiato  
 Da Musace e Piovele ,  
 Da vicino , e Compare ,  
 Perchè a la vorza mia , n'era denare,  
 Quanto spasso , quanto gusto ,  
 Me pigliava a tutte l' ore ,  
 Jeva sempre justo justo ,  
 Pe campare a scialacore ,  
 Ciento perzune alluorno  
 M' accudevano lo juorno ,  
 Pe le spese  
 La ntrata de no mese  
 Mme strudeva na settimana  
 Pe lo juoco , la Terverna , e auti vizj  
 Avea zocchè cercava ,  
 Faceva zocchè boleva ,  
 Perchè susta a la vorza non teneva ,  
 Veramente è gran felecetà  
 A sto Munno  
 Vve funno  
 Femmena non c' è stata ;

4  
Che non han fatto pe mme la spantecata,  
Chi ncasa, chi nchiazza,  
Facevano comm' a pazze,  
Quanno lo nomme solo  
Senteano nommenà de sto figliuolo.  
Ogn'uno sospirava,  
Appriesso mme venevamo; ho, bene mio  
Amame pe pielà Cuosemo mio,  
Io pareva Coccopinto,  
Che frezzava lo coro a tutte quante  
Perchè a la vorza mia ne' era contante  
Ma pocca la fortuna ha botato bannera,  
Non è Cuosemo chillo ch' era:  
Già sentono cantà  
Le cevettole pe mme,  
Mo ch' è morto lo Ciuccio,  
Ca robba cchiù non ha;  
Parentela cchiù non c' è,  
Chi ha agrossata la vista,  
Chi de no me conoscere fa fento;  
Chi dice, ommo de niente  
Va t' abbotto de loda a lo Mantracchio;  
E chi me fa derete no vernacchio.  
Me cacciano, mi schifano,  
Me lassano me sfujane;

Nullo mme vale ncommertazione  
 Comm' avesse de pesta lo Bobbone,  
 Non trova chi m' ajuto,  
 Non ascio chi mme venne  
 No chiappo che mme mpenna;  
 Io pierzo li Compare,  
 Io muorto li pariente.  
 Tutta l' Amici miei son state accise,  
 Io che a la vorza no nce tornise.  
 Comme campo non lo saccio,  
 Songo vivo, e non lo creo,  
 Me dispero, e niente faccio,  
 Me ne consolo, e faccio peo.  
 Va te fide d' uommene.  
 Va trova chiù na femmina,  
 E spassare l' ozio,  
 Ogn' uno, che mme vede,  
 Fede chillo che squaglia,  
 Io ch' a la vorza mia non ce na maglia;  
 Signorelle Pezzentelle,  
 Tutta cchiù mme bò bedere  
 Perché liscio, e sbrico stò,  
 Chi ha denare, e pò spenere,  
 Va a tutte cadere,  
 Fa chello, che se vò,

Uno vola la faccia se m' affronto ,  
 N' anta arrecchia le spalle sè mme sente,  
 Chisto l' uocchie storzella ;  
 Chillo storce lo musso ,  
 Perchè a la vorza non nce fa lusse ,  
 Si a qua parte m' abbicino ,  
 Ogn' uno mme deleggia ,  
 E pò dice , che cos' è  
 Và a la forca malandrino  
 Passa nnante scarfa seggia ,  
 Sfratta ; e colestè da me ;  
 Nsomma so arredutto  
 La smorfia de lo munno  
 Arrassate ca ligue ,  
 Lo jettolo ca fete ,  
 Mo ch' a la vorza non nce so monet  
 Mare l' ommo sbenturato :  
 Che non stimme le mmegnole.  
 Quando venne a male stato ,  
 Prova chello , che non bole ,  
 Mmperò chiagnenno dico  
 Chi cade in povertà , perde ogn' amic

F I N E.